

重校  
刊訂

淨土十勝論卷第五



淨土十勝箋節論卷上

卷第五章目

不說現益勝  
 順次得脫勝  
 廣長舌相勝  
 證誠奇特勝  
 不誨現行勝  
 法滅利物勝  
 三時不代勝  
 執著解脫勝  
 行德遮惡勝

初紙  
 六紙  
 八紙  
 十一紙  
 二十六紙  
 二十八紙  
 三十紙  
 三十二紙  
 三十四紙

校訂重刊

淨土十勝箋節論卷上

章目

一代遍勸勝

三十七紙

依經直說勝

三十八紙

超世本願勝

四十二紙

稱名音聲勝

四十三紙

不說現益勝第十七  
 夫須臾聞之究竟菩提者是一乘圓經之所談矣乃  
 至一生成成正覺者迺三密行者之期心焉雖然法  
 性難顯之理故顯之送若干之劫波無明難斷之惑  
 故斷之歷爾許之時節焉抑未登相似鐵輪位之爾  
 前必受界內流轉之果報也所以如來慈父或舉轉  
 輪釋王之妄報而且慰圓頓行者之心或讚大梵王  
 宮之快樂而假誘密乘行人之思也若以之而言之

淨土十勝箋節論卷上

菩薩大乘比丘澄圓撰

坤中

不說現益勝第十七

夫須臾聞之究竟菩提者是一乘圓經之所談矣乃

至一生成成正覺者迺三密行者之期心焉雖然法

性難顯之理故顯之送若干之劫波無明難斷之惑

故斷之歷爾許之時節焉抑未登相似鐵輪位之爾

前必受界內流轉之果報也所以如來慈父或舉轉

輪釋王之妄報而且慰圓頓行者之心或讚大梵王

宮之快樂而假誘密乘行人之思也若以之而言之

校訂重刊

淨土十勝箋節論卷上

一

聖道之衆典是半字教乎。淨土之三部乃滿字教乎。智人可知矣。請問之曰。聖道之諸經雜說猶如電光之妄果。淨土之一教純揚湛然常住之大樂。夫純雜二門已各別權實二義亦判然矣。所以今呼權而爲半。歎實而爲滿而已。問曰。小乘說九部故是半字教也。大乘明十二故滿字教矣。圓密二經既廣舉十二分教。若爾者焉。言半字乎。答曰。一往然也。二往不然矣。小教修多羅亦明十二。未出拙度也。大乘法本亦宣九部。猶是衍門矣。然則詳教法。半滿未必由分教之多少矣。肆約所演法門之高卑。以論牟尼遺法之

半滿而已。智者自知焉乎矣。問曰。今親見二悉兼說之明文。直知兩門攝化之純雜。伏請載諸經之誠說。以委細顯示其義相焉。答曰。或說聞是法華經。乃至若復有人於講法處坐。更有人來勸令坐聽。若分座令坐。是人功德轉身得帝釋坐處。若梵天王坐處。若轉輪聖王所坐之處矣。或宣若生人天中受勝妙樂焉。又讚若有人受持讀誦解其義趣。是人命終爲千佛授手。令不恐怖。不墮惡趣。卽往兜率天上。彌勒菩薩所矣。又說若但書寫是人命終當生忉利天上。是時八万四千天女作衆伎樂而來迎之。比又解釋之中。

校訂重刊

淨土十勝論卷五

二

旧古並  
脫言字  
如今依  
加疏

云若但書寫當生。忉利具五法師。次在都率。即此意也。次舉密乘行者華報之益。而若欲得仙樂。及往極樂界。知足天宮。隨處意便。得此。又菩提心論云。常在入天中。受勝快樂矣。又毘盧遮那經疏曰。此中言。悉地宮。有上中下。上謂密嚴佛國。出過三界。非二乘所得。見聞中。謂十方淨嚴。下謂諸天。修羅宮等。若行者成三品。持明仙時。安住如是。悉地宮中。比又同疏曰。未得法身地者。世世生處。常在入天中。天上得離障。見佛聞法。比原夫有為快樂。如電光朝露。顛倒果報。似夢幻泡影。彼大梵高臺。深禪之樂。終不道退沒之。

衰旧作  
裏誤今  
依占改

苦。忉利喜見勝妙之報。定難免五衰之悲矣。凡人間妄樂。全非佛道之資。天上幻報。更非得脫之因焉。然則如來慈父菩薩大師。於處處說法之場。呵人天受生之身矣。嗚呼痛乎。辱哉。刻鵠鶴而類鶩矣。畫虎龍而為狗矣。豈非道人之傷嗟乎。可慎。可慎。焉。又正法念經偈曰。智者常懷憂。如似獄中囚。愚人常歡樂。猶如光音天。比又龍樹大士偈曰。是身不淨九孔流。無有窮已。若河海薄皮覆蔽。似清淨。猶假瓔珞。自莊嚴。諸有智人。乃分別。知其虛誑。便棄捨。譬如疥者。近猛焰。初雖暫悅。後增苦。貪欲之想。亦復然。始雖樂。著終。

旧脱是字  
旧郭作廓莊飾  
作枉飭

多患利衰八法莫能免。若有除斷真無匹。未來大苦  
唯身受。上比馬鳴菩薩。賴吒和羅伎。聲唱云。有為諸法  
如幻。如化。三界獄縛無一可樂。王位高顯。勢力自在。  
無常既至。誰得存者。如空中雲。須臾散滅。是身虛偽。  
猶如芭蕉。為怨為賊。不可親近。如毒蛇。隨誰當愛樂。  
是故諸佛常呵此身。上比又堅牢。比丘壁上。偈曰。身臭  
如死屍。九孔流不淨。如廁蟲。樂糞。愚貪身。無異憶想。  
妄分別。即是五欲本。至乃邪念生。貪著貪著。生煩惱。上比  
又寶積經曰。罪身深可畏。此即是怨家。無識耽欲人。  
愚癡常保護。如是臭穢身。猶如朽城郭。日夜煩惱逼。

正今依經

遷流無暫停。身城骨。牆壁血肉。作塗泥。畫彩貪瞋癡。  
隨處而莊飾。可惡骨身城。血肉相連合。上比正法念  
經曰。天上欲退時。心生大苦惱。地獄眾苦毒。十六不  
及。上比又龍猛菩薩勸發。禪陀迦王。偈曰。雖受梵天  
離欲。娛還墜。無間熾燃苦。雖居天宮。具光明。後入地  
獄黑闇中。上比夫如此。呵人天有為。妄報。且千萬端也。  
不遑縷說矣。凡於圓密二教之中。且舉人天有漏之  
快樂。假為行者一分之悉地。為是如來之素意。將為  
大聖之非懷。高識之人。自思察矣。又以如此雜說。如  
來非本懷。人天果報之經教者。為隨自元意。經王為

旧脱如  
字今依  
古加  
懷旧作  
壞誤今

校訂重刊

淨土十勝論卷五

寫同作  
變誤今  
依古正

隨自他意權教乎。智人勘判之哉。抑圓密二經中舉  
隨他人天之果報。且慰中下行者之爽心。是則圓理  
密事難解難入。截斷生死甚難。故附順。冥弱之機情。  
假讚人天之快樂者。也。此之一段。專對高智卓拔之  
人以覲面手脚親酬酢。而直可決雌雄矣。原夫聖道  
衆典之中。明乎二悉。譬如熏蕝一器。梟鸞接翼矣。智  
者胸中。其奈何焉。抑案吾西方淨土之教。文者若正  
依三經一論之中。若傍依洪經大論之文。未曾說於  
安養行者之上。而順次已後。人中天上。淨華之妄樂  
而直爾。明臨命終時。乘寶金臺。實益之相。良矣。此即

一代不共之秘典。諸佛絕離之教益也。凡定判說教  
權實。可有多途。義門。或有以不說可說。而為權教之  
義。謂釋遍尋法華以前諸教。實無二乘作佛之文。及  
明如來久成之說。故知並由帶方便故。又判二乘作  
佛。始自今教。是不說可說。故以爾前諸教。而束屬乎  
權教也。或有以說不可說。而為權門之義。謂華嚴兼  
乎一別方等。並乎四教。般若帶乎通別等。是說不可  
說。故以四味諸經。而總名權教也。準彼思之。夫人天  
果報。妄染之快樂也。如來本懷成佛之高位矣。天台  
大師判云。三乘根性。感佛出世。餘不能感。蓋此之謂

校訂重刊

淨土十勝論卷五

惡旧作  
疏途今依

矣又疏三曰諸佛出世種種方便勸化衆生者不欲  
直令制惡修福受人天樂也人天之樂猶如電光須  
臾卽捨還入三惡長時受苦爲此因緣但勸卽令求  
生淨土向無上菩提是故今時有緣相勸誓生淨土  
者卽稱諸佛本願意也。比然今圓密大教之中假舉  
乎人天之果報將護下根之行者豈是如來長者之  
本懷耶只是隨他赴機之權說而已學者思擇矣已  
說不可說浮華妄染之小果故猶未出權教之閫域  
者歟然於西方一文全不說非諸佛本懷人天之小  
報直爾明當坐道場生諸佛家之大果故專是頓大

說古作  
諸近旧作  
逝今依  
古以順旧  
脫之今  
依古加

教之中了教矣衆釋典之中經王也所以或判了中  
之了又釋頓中之頓者也夫孰說經有舉人天之近  
報以不慰要弱之行人耶何教文有褒釋梵之快樂  
以不誘懈緩之修者夫爰至今此弘願妙典者全無  
其義矣何言也所讚彌陀已發順次引接之大願故  
能讚釋迦亦不舉順次順後之華報也此卽諸教絕  
離之墳籍圓密不及之秘談若爾者行者等可堅匪  
石之信心矣夫以顯密衆典之中兼雜乎現益如兩  
菓同實也淨土一教之文唯明當利似鳳凰獨翔矣  
行人早捨迦羅鎮頭之筭而翫瑞鸞奇鳳之法焉乎

骨旧古  
並作幹  
今依經  
正

出曜經第二云是身不久還歸於地神識已離骨  
獨存大悲經曰佛告阿難若有衆生聞佛名者我說  
是人畢定當得入般涅槃南無阿彌陀佛

順次得脫勝 第十八

夫開示悟入佛之知見者是如來出現之本懷居父  
母所生身速證大覺位者迺遮那行者之所期諸然  
上根上智之人雖登一生十地一生妙覺之高位中  
根下機之輩非無久遠下種王城得脫之一類抑如  
圓乘行者有頓漸二機又密行之人有大小不同謂  
疏舉三品悉地論明人天果報等即此意也且真言

此旧作  
是今依  
問答正

旧脫耶  
字今依  
本加

問答曰如今真言行者如此觀修幾生成佛對一生  
二生隨機不定比異本即身義云問大機小機共修  
此教者二共即身成佛耶答今意可云大機即身成  
佛小機者後十六生成佛乃至夫温圓密大乘教之  
本意於教法者雖示頓極頓足之玄旨至機根者必  
有利鈍大小之不同故成佛得道劫波有遲疾之差  
降也全非是教法之失歟但捨機根之遲鈍者可謂  
教行之過焉又不能頓教之妙行者可名根緣之失  
矣然則機根送劫波即成法明漸教若有機教二俱  
至順後不定之義者焉可名頓教頓機耶圓密卓然

校訂重刊

淨土十勝箋節論卷上

七

學者自商量矣夫連持修行之彙尚有送劫波之義  
矧於退大沉落之人乎於戲痛哉三周退大經三千  
塵點之劫龍女修行積久已修學之功矣爰我彌陀  
牟尼為法積苾芻之也古深憫自力自證之行人空  
疲聖道難行之辛苦發愚童索多順次往生之大願  
故執持若不生者大願業力我等薩埵必誇捨身他  
世必生彼國巨益者也焉可思議耶抑有小機鈍遲  
之一類泥滯圓道密路者必落二死之嶮難若值二  
死厄難者假令居廟堂之上得金銀之銖有胡益居  
然則我等一切衆生等只曳乎尾塗中宜免死乎多

舊經作  
枯作  
依並誤  
改今依古

生矣夫暗六大四曼之觀行忝登遍照之位銖破戒  
無慚之質謹居持律之職之人定逢二死之大怖者  
乎死後服飾實可樂之哉寂可厭之耶有識之道人  
問意而自知矣抑小師九拜而恭白南北諸宗之群  
英而言夫應當出自力嶮難之蜀道兮入他力易往  
之徑路離胎胞之焚籠兮遊安養之太虛矣夫生死  
榮枯是風前輕塵矣世間潤色亦水上浮泡焉朝起  
恨紅顏之漸衰夕寐嗟少年之已老矣華嚴曰若有  
諸衆生未發菩提心一得聞佛名決定成菩提南無  
阿彌陀佛

校訂重刊

淨土十勝箋節論卷上

廣長舌相勝 第十九

夫證知證誠者是除乎衆會之疑殆矣舒舌遍覆者  
 乃催乎凡夫之信心矣其中證乎小事釋尊獨至舌  
 相於髮際說乎大事牟尼自覆長舌於三千然逝多  
 林中之說教者一代教主舒長舌於大千界以斷除  
 凡夫疑見執矣給孤獨園之大會恒沙如來覆廣舌  
 於三千刹以證明釋迦言說真焉此等奇特於一代  
 之分絕於諸教之不明者也智覺禪師神棲安養賦  
 曰詳夫廣長舌讚十刹同宣經曰如我今者讚歎阿  
 彌陀佛不可思議功德之利東方亦有阿閼佛如是

樂邦文  
 類所載  
 神棲安  
 養賦未  
 見經曰  
 已下文  
 可檢

曰下日  
 有何故  
 二字衍  
 也何故  
 三字日  
 脫之今  
 依論加

等恒河沙數諸佛各於其國出廣長舌相遍覆三千  
 大千世界說誠實言汝等衆生當信是稱讚不可思  
 議功德此廣長舌相祇是表不妄語夫世人三生不  
 妄語舌過鼻尖而聖人舌至髮際今覆三千十方同  
 證故當真實請堅信心此亦群疑論曰問曰如來說  
 經皆為逗機化物悉為信向者說不為疑惑者宣故  
 藥師經言佛為信者施不為疑者說也何故而說經  
 之中有舒舌相勸物生信有不舒舌但宣妙理又說  
 甚深法凡夫難曉懷疑生謗如說法華經會二歸一  
 二乘人等不生信心故須多寶世尊涌寶塔與證實

校訂重刊

淨土十勝論卷五

佛舒舌相現不誑以表真三陳當信之言方申誠諦之語今阿彌陀經唯說西方依正兩報莊嚴淨相勸物往生易生正信何須六方或十方佛同舒舌相勸物生信耶釋曰按稱讚淨土經下文佛自陳說十方恒沙諸佛見釋迦牟尼佛說稱讚淨土經了各在本土異口同音俱時歎言釋迦牟尼佛能於娑婆世界五濁惡世得阿耨多羅三藐三菩提為諸眾生說是一切世界極難信法釋迦牟尼佛既得諸佛同聲讚歎告舍利弗我於五濁惡世得阿耨多羅三藐三菩提提為諸眾生說是一切世間難信之法是為甚難如

說難論  
改今依

來雖說百千等經不言難說唯稱讚淨土經有九張紙恒沙諸佛及釋迦牟尼世尊咸說此經難信難說蓋以佛說十二部經一切外道皆生誹謗是佛弟子咸發信心今說阿彌陀經言五逆十惡罪根眾生唯能念佛皆生淨土雖佛弟子信向之者亦生疑惑不信此言現見今時四部眾咸有正信尚疑念佛不即得生故知此經甚難生信一切種智預知未來有此眾生懷疑者眾故同舒舌相表法至真勸物修學也又觀師云問如來大人何以表信時乃舒舌耶答大論曰佛同人間相法故也謂舒舌至鼻者必不虛語

校訂重刊

淨土十勝論卷五

十

況覆大千得無實也。然如來為證小事舒舌覆面。或至髮際。若證大事。即舒舌覆大千。證微因著果。恐人不信。捨苦輪之要。躅證涅槃之疾。逕其事。不輕其證。須大故覆三千世界也。當信是稱讚等者。稱即述其德。讚即覺其義。心慮亦不測。且不可思。言談所不及名。不可議。諸行雖積。靡方念佛之功。諸福雖多。難儔此經之德。故使恒沙諸佛護持。而不滅記憶。以在心。故言稱讚不可思議功德。一切諸佛所護念經。比原夫教主薄伽梵。出乎靄震之音。直示別意之弘願。恒沙天人師。鼓乎廣長之舌。證明尊號之靈德。實是卓

淨土十勝箋節論

澆旧作  
洗今依  
古改

犖眾與之大會。超絕他經之化儀者哉。古曰。登山而呼音。達五十里。因高之響也。造父執御千里。不疲。因馬之勢也。比夫一心攝取。佳名遙聞。萬年百歲之遐代。是則所以釋迦氏闡揚之梵音。高響乎六合之表。恒沙牟尼證明之真言。遠動乎三千之外。居又三學分外。一切眾生等皆悉超。二死險隘。乘彌陀覺王大願業力之故。諸嗚呼。日月旋歷。冬雪積頭。星霜轉配。秋浪湛面。夫澆三業罪垢乎。六字尊號之泉。洗六根業塵乎。八功德池之浪矣。南無阿彌陀佛。眾共證誠奇恃勝。第二十

校訂重刊

淨土十勝論卷五

十一

影旧作  
顯旧作  
旧脱土  
字今依  
古訂

决旧作  
訣今依  
十因改

夫鷲嶺開顯之砌多寶一佛涌現矣。王宮說法之場四方四佛俱來焉。然今逝多林之妙典界内界外之諸佛悉影響而證明。七朝稱佛孤獨園之設化淨土穢土之教主皆來臨而證誠。凡夫往生詳此等勝相超過一乘法華卓犖十番神咒者歟。觀師云十方恒沙諸佛出廣長舌各垂勸進是表實語可取仰信。彼鷲峯妙法多寶一佛證明。又王城金典四方四佛俱說。凡厥處處集會道場不如今說舌相證誠之盛矣。設雖彼伏然世界疑惑者豈不信受哉。是故雙林決斷之筵於淨土一門更無疑決。此夫法華之證明多

寶不舒廣長之舌。金經之同說四佛不現長舌之相。是則三學式内之通談而非六八格外別教故歟。爰吾彌陀婆伽婆帝之本誓恢恢焉。過乎大虛矣。晃晃焉。出乎思議也。十方調御善能知之而愍物迷之。耀大光於八方上下覆廣舌於三千大千。證明釋迦如來之誠諦真言者也。是專格外玄旨別願故。縱令雖婆藪之徒焉。容不蕩除堅執乎。學者等自商量而可知。式内之與格外證誠優劣矣。問曰。大般若經四百一曰。爾時世尊於師子座上自敷尼師壇結跏趺座。端身正願住對面念入等持。王妙三摩地諸三摩地。

校訂重刊

淨土十勝論卷五

十三

旧脱此  
字

皆攝入此三摩地中是所流故爾時世尊至一一身分各放六十百千俱胝那庾多光此一一光各照三千大千世界從此展轉遍照十方殑伽沙等諸佛世界其中有情遇斯光者必得無上正等菩提爾時世尊從其面門出廣長舌相遍覆三千大千世界熙怡微笑復從舌相流出無量百千俱胝那庾多光其光雜色從此雜色一一光中現寶蓮華其華千葉皆真金色衆寶莊嚴如是光華遍

加跏  
誤旧作

二千界從此展轉周流十方殑伽沙等諸佛世界諸華臺中皆有化佛結跏趺坐演妙法音一一法音皆說六種波羅蜜多相應之法有情聞者必得無上正等菩提爾時世尊不起于座復入師子遊戲等持現神通力令此三千大千世界六種變動謂動極動等極動踊極踊等極踊震極震等極震擊極擊等極擊吼極吼等極吼爆極爆等極爆又令此界東踊西沒西踊東沒南踊北沒北踊南沒中踊邊沒邊踊中沒其地清淨光澤細軟生諸有情利益安樂時此三千大千世界所有地獄傍生鬼界及餘無暇險惡趣坑

旧脱等  
極吼三  
字

旧脱大  
千險三  
字

聞下日  
有緣覺  
二字

一切有情皆離苦難從此捨命得生人中及六欲天  
皆憶宿住歡喜踊躍同詣佛所以慳淨心頂禮佛足  
從此展轉周遍十方殑伽沙等諸佛世界以佛神力  
六種變動時彼世界諸惡趣等一切有情皆離苦難  
從此捨命得生人中及六欲天皆憶宿住歡喜踊躍  
各於本界同詣佛所頂禮佛足至爾時世尊不起于  
座熙怡微笑從其面門放大光明遍照三千大千佛  
土并餘十方殑伽沙等諸佛世界時此三千大千佛  
土一切有情尋佛光明普見十方殑伽沙等諸佛世  
界一切如來應正等覺聲聞菩薩眾會圍繞並來下及餘一

尼下日  
有佛字

切有情無情品類差別時彼十方殑伽沙等諸佛世  
界一切有情尋佛光明亦見此土釋迦牟尼如來應  
正等覺聲聞菩薩眾會圍繞並來下及餘一切有情無情品  
類差別爾時東方盡殑伽沙等世界最後世界名曰  
多寶佛號寶性現為菩薩說大般若波羅蜜多彼有  
菩薩名曰普光見此大光大地變動及佛身相心懷  
猶豫前詣佛所白言世尊何因何緣而有此瑞時寶  
性佛告普光言從此西方盡殑伽沙等世界最後世  
界名曰堪忍佛號釋迦牟尼將為菩薩說大般若波  
羅蜜多彼佛神力故現斯瑞普光聞已歡喜踊躍白

校訂重刊

卷上

古

言世尊我今請往堪忍世界觀禮供養釋迦牟尼佛  
及菩薩衆唯願聽許時寶性佛告普光言善哉善哉  
隨汝意往即以千莖金色蓮華其華千葉衆寶莊嚴  
授與普光而誨之曰汝持此華至釋迦牟尼佛所如  
我詞曰寶性如來致問無量少病少惱起居輕利氣  
力調和安樂住不世事可忍不衆生易度不持此蓮  
華以寄世尊而爲佛事至乃普光菩薩受華奉救與無  
量百千俱胝那庾多菩薩及無數百千童男童女頂  
禮佛足右繞奉辭各持無量妙供具發引而來所  
經東方諸佛世界一一佛所供養恭敬尊重讚歎無

空過者到此佛所頂禮雙足繞百千匝却住一面普  
光菩薩前スシテ白佛言世尊從此東方盡殫伽沙等世界  
最後世界名曰多寶佛號寶性致問世尊無量少病  
少惱起居輕利氣力調和安樂住不世事可忍不衆  
生易度不持此千莖金色蓮華以寄世尊而爲佛事  
時釋迦牟尼佛受此蓮華還散東方諸佛世界佛神  
力故令此蓮華遍諸佛土諸華臺中各有化佛結跏  
趺坐爲諸菩薩說大般若波羅蜜多有情聞者必得  
無上正等菩提是時普光及諸眷屬見此事已歡喜  
踊躍歎未曾有各隨善根供具多少供養恭敬尊重

時下曰  
有菩薩  
二字

校訂重刊

淨土十勝論卷五

十五

舊脫杏  
樹二字  
今皆依  
經正

讚歎佛菩薩已退坐一面東方界皆亦如是南方西方  
東北方東南方西北方下方上方亦復如是恐繁畧去焉爾時於此三千大千堪  
忍世界衆寶充滿諸妙香華遍布其地寶幢幡蓋處  
處行列華樹菓樹香樹鬘樹衣樹寶樹諸雜飾樹周  
遍莊嚴甚可愛樂如衆蓮華世界普華如來淨土曼  
殊室利童子善住惠菩薩及餘無量大威德菩薩摩  
訶薩本所居土上又大日經第二曰爾時毗盧遮那  
世尊住於滿一切願出廣長舌相遍覆一切佛刹清  
淨法幢高峯觀三昧時佛從定起爾時發遍一切如  
來法界哀愍無餘衆生界聲說此大力大護明妃曰

舊脫佛  
字今依  
經如

舊脫之  
字

舊脫有  
字今依  
疏如  
大千二  
字疏文  
之

南麼薩婆怛他文等同疏第九曰爾時世尊既受請已  
將說大力大護明妃故住於滿一切願出廣長舌相  
遍覆一切佛刹清淨法幢高峯觀三昧此中言出者  
梵本正翻當云發生舊譯或云奮迅出此廣長舌相  
卽是如來奮迅示現大神通力故會意言之也此三  
昧於如來廣長舌相遍滿一切佛刹又曰如生身佛  
將發誠實言時或示廣長舌相遍覆其面而告應度  
者言汝經書中頗見有如是相人而出虛妄語不若  
摩訶衍中或示舌相遍覆三千大千世界今者世尊  
將說如來平等語故明此語輪橫豎皆遍一切法界

校訂重刊

淨土十勝箋節論卷五

十六

故曰廣長語輪相。此夫於畢竟空寂之梵筵者。現在十方諸佛說般若於同時同會矣。在各說三蜜之大會者。毗盧遮那如來覆舌相於一切佛刹矣。若爾者。淨教證誠。卓犖餘典之義。更不成立。如之何。答曰。同說般若之諸佛。未舒長舌。遍覆諸刹之舌相。唯是毗盧一佛也。然至今祇陀林會之說教。十方恒沙之諸佛。各鼓廣長之舌相。勸證七朝之持名。優劣智人自商量矣。矧又般若毗盧兩典。只是自說長舌。未必證明。廣舌也。今就證誠奇舌。以為語學者可知。又解三藏詳勘之意者。比對加持塵道世界教主。悉達所成。

二曰作  
四非  
日脫  
日

生身之釋尊之與廣大金剛法界宮。能化自性法身之毘盧遮那如來。以論其舌相之寬狹。未必指逝多證誠諸佛長舌矣。所以然者。以今此之大會恒沙諸佛。是則嚴淨佛土之教主。稱讚淨土經說而以無量三千界而為一佛所主之國土。故矣。法華第四說富樓那尊者未來成道國土之相。曰。當於此土得阿耨菩提。號曰法明如來。其佛以恒河沙等三千大千世界為一佛土。七寶為地。地平如掌。比又大論九十二曰。問曰。何等是淨佛土。答曰。佛土者。百億日月。百億須彌山。百億四天王等諸天。是名三千大千世界。如是等。

校訂重刊

淨土十勝論卷上

十七

舊脫成  
字  
熟下曰  
有應字  
今皆依  
論省

無量無邊三千大千世界名為一佛土佛於此中施  
作佛事佛常晝三時夜三時以佛眼遍觀衆生誰可  
種善根誰善根成熟增長誰善根成就應得度見是  
已以神通力隨所見教化衆生上已夫以稱讚明文而  
按合法華智論今推之十方證明如來等全不可居  
單三千界明矣若所居器界無量三千能覆舌相豈  
唯局一箇之三千界矣乎若依之而言之者孰與毘  
盧之與今典焉設直約多少門以論其高卑優劣者  
是乾坤乎王庶乎智者商量焉智者商量焉又設雖  
證明諸佛等穢土攝化之教主穢方亦有以無數三

舊脫曰  
字

舊脫大  
千二字

舊脫世  
字

舊脫莊  
嚴二字  
今依經

十而為一化世界之土矣且大方等大集經第十四  
曰爾時有佛號曰淨一切願威德勝王如來乃彼佛  
世界名曰現無量諸佛刹土乃彼佛世界何故名曰  
現無量諸佛刹土至乃彼世界與百億三千大千世界  
等至乃爾時現無量諸佛刹土中有一轉輪聖王名曰  
衆天灌頂典領三千大千世界於諸佛所久植德本  
利根智慧威德成就灌頂聖王有三万六千子至乃爾  
時淨一切願威德勝王如來與諸天世人衆恭敬  
圍遶遊於衆天灌頂聖王住處至乃爾時衆天灌頂聖  
王為供養佛故莊嚴一小千世界以為妙堂至乃復莊

校訂重刊

淨土十勝箋節論卷上

十八

九旧作十一非  
世界旧作國土  
今依論

嚴一堂與一四天下等至乃爾時衆天灌頂轉輪聖王者豈異人乎至乃即今虛空藏菩薩是也上是即穢方出世如來以無數三千而為一佛土誠證也請問之曰有輪王以治化有四州以分地故知是穢土外器內身也去但有無有諸女人純一變化生寶華開合知有時節等之妙華者同居穢土好世淨土故乎智人應知焉又大論九云不一世界有二佛出百億須彌山百億日月名為三千大千世界如是十方恒河沙等三千大千世界是名為一佛世界是中更無餘佛實一釋迦牟尼佛是一佛世界中常化作諸佛種種

旧脫以字

旧脫世  
界二字  
今依古  
加

法門種種身種種因緣種種方便以度衆生以是故多持經中一時一世界無二佛不言十方無佛此之論文正見以十方恒河沙等三千大千國土為一佛所主之國土焉又依大智度論之說而觀之者不以單三千大千世界而名佛世界梵王亦為主故佛世界有四種三千世界以為一數十方如恒河沙等是一佛世界此一佛世界數如恒沙等是一佛世界此世界海數十方如恒河沙是一佛世界此世界數十方無量是名一佛世界云云論註曰若言一佛主領三千大千世界是聲聞論中說若言諸佛遍領十方

校訂重刊

淨土十勝論卷五

旧脱中  
字今依  
註加

無量無邊世界是大乘論中說此指大論所說四  
種佛土中第四十方無量一佛世界之國土也若爾  
者敵者疑關不叩自開焉又義寂大經疏中曰智度  
論曰三千大千國土名一世界一時起一時滅如是  
世界十方如恒河沙等是一佛世界如是一佛世界  
海數如恒河沙等是一佛世界海如是佛世界海數  
如十方恒河沙是佛世界種如是世界種十方無量  
是名一佛世界第二第五同名佛世界者變化受用  
二佛異故第三第四化佛世界積數成故立海種名  
第一不名佛世界者梵王亦得為王攝故受用土中

旧脱界  
字

受旧作  
愛誤今  
依疏改

不說海種積種同前例可知故上請問之曰夫依初  
祖註論如次上而詳之者大論所舉五種佛土皆是  
穢土出世諸佛國土種種之異而已鼻祖何故作如  
此解勘辨本論前後之文正是穢方攝化之相兒故  
判也焉寂公雖有大論現文報化二佛之一判只是一  
途而已又設雖存第二第五變化受用第三第四  
化佛世界之義河沙證印諸婆伽婆等若互報應二  
佛明證誠諸佛以無量世界以為一佛所主之國土  
矣若爾者學者等莫謂證明念佛恒沙諸佛以單三  
千世界以為一佛所主之國土焉抑又或雖言一大

校訂重刊

淨土十勝箋節論卷上

二

三千一佛國土。又云輪王極多不過四洲亦非無統  
領三千界之大轉輪王矣。若爾者設雖穢土之教主  
以恒沙之大千土以爲一佛之所化國有何不可乎。  
曰敢問之曰夫證明念佛恒沙如來所居國土者廣  
通直淨邦穢土單重三千等之國土學者莫局分矣。  
問曰經說各於本國出廣長舌相。何今云證明諸佛  
來現逝多會乎。答曰蓮經金典二會已往而致證明  
彌陀弘願之一教。蓋來而加證誠乎。但至經文者各  
於本國者指出舌相之處說誠實言者顯來獨園之  
相也。文言不委悉是什公存畧耳。高祖大師詳勘經

盧旧作  
慮誤今  
改

文云如彌陀經說若有男子女人七日七夜及盡一  
生一心專念阿彌陀佛願往生者此人常得六方恒  
河沙等佛共來護念故名護念經。比請問之曰納迷  
盧於芥子湛巨海於毛孔是佛境界不思議也。若爾  
者設雖恒沙諸佛來集逝多之一會豈容不容受乎。  
此義冲邈欲知來學之矣。問曰上歎者引各於本國  
出廣長舌之文以爲誠證而沮諸佛共來證明念佛  
之旨矣。立者答之而曰梵本應定有諸佛來證之文。  
漢本無者是什公存略矣。若爾者其證誠出在何處  
乎。答曰此有總別二例。總謂天台大師所謂但論本

校訂重刊

淨土十勝箋節論卷五

二十一

大千卷什師作九倍略之何必無此解之定判是也  
別謂大智律德所謂若依唐譯則列十方今謂但舉  
六方四維自攝但言略耳之解釋是也匪啻什公獨  
好略譯耶舍亦然觀經云佛告韋提希欲觀彼佛者  
上本疏受之曰問曰夫人置請通已為生及至如來  
疇答但指韋提不通生也答曰佛身臨化說法以逗  
機不請尚自普弘何論別指不等備但以文略故無  
兼為之心必有也上已準據此等例而語之者必應於  
各於本國出廣長舌相遍覆三千大千世界與說誠  
實言汝等衆生當信是稱讚不可思議功德一切諸

佛所護念經之二文之中間而有還攝舌相降臨逝  
多之語也難曰了義大乘依文判義者世親菩薩詳  
經定規也經既不舉諸佛來相若如文取義定合四  
依定判歟一抑又公非十號世尊何恣說經乎是若  
爾者所立不明如何答曰夫今之勘判是無文有義  
智者用之意而非有文有義常人用之旨而已次至  
攝大乘文者此是約一部大旨以定了不前之途  
之意也未必約一文一句以語其旨矣次至小子非  
佛何恣說經乎者先沮智者大師光明尊者等如來  
專使然後來責我矣先聖既從容有增句釋義小子

誠旧作成誤下傲之緯旧作緯今譯誤依古改

能任上古蹤跡而守文之矣。誰曰之非據乎。請問之曰。夫諸佛若不來證者。是一會冷然。亦聊爾焉。衆聖若故來印者。乃梵場嚴重。亦群會焉。故曰也。法華佛金典。四佛皆來施作佛事。證明念佛之諸佛而已。何各居自土。致證印乎。智人省察焉。智人省察焉。問曰。六方如來證明念佛之靈相。唯爲局逝多一會之說。教將又於大經觀經之說時。有證誠尊號之義耶。答曰。此旨本朝先達以爲叵測。而爲兩解矣。今謂此緯未必難判定之事。如何易斷。且夫祇林證明是偏被未代矣。王鷲二會乃攝佛世機矣。請問之曰。親蒙

聖化。今拜八十四八之金容。見陪佛會。今聞六十四種之梵音。之四衆八部等皆聽受佛說。而悉生深信矣。然則順次即往之人。於鷲頭山頂而聞。至心持念決定。即往之誠言。則信受奉行。而不慮矣。在王舍城宮而奉具足十念。必生淨土之教示。則歡喜信樂。而不疑矣。二會當機純信。斷疑生信。故無證明念佛之相焉。月隱重山。風息大虛。之後一萬二三十年之間。五濁極增之上。猶極增也。此之惡時。惡世。衆生等雖見聞三學。分外稱名往生之誠說。多疑謗。不有信敬。教主能仁氏。於七朝持名九品。即往之直示。請八

校訂重刊

淨土十勝論卷五

三十三

方上下一切衆聖之證印由能仁意請而有諸佛證誠如此攝化只是爲滅後凡夫而已問曰宗師詳簡諸佛證明之義而曰爲斷凡夫疑見執皆舒舌相覆三千矣若爾者鷲峯王宮二會凡夫之中豈無疑見執心之輩邪給孤獨園群來異生之內何無證明生信之衆耶依之而語之者從上所立更不成立如何答曰今約如來設化之元旨以爲判矣君莫致偏難且大底按壽觀兩經先後雖學者論逝多一會在第三而說之衆車一轍無異途矣然化主廢捨諸餘萬行直說稱名一善之時有六合諸佛之證明大會聞

淨古  
印

之皆念言既於此之一會念佛而有諸佛證印故深信不疑矣彼兩會之中亦有稱名妙行彼此正行全同無異若爾者於彼二會所說尊號正定業彌增長信心倍激勵持念矣云云此是以後顯前之意也如此三部合論而語之者者山上茅逝多林會在座聞經異生凡輩等純一信奉更無疑惑者乎問曰若爾者何曰祇林證印偏被末代且答曰豈先不曰乎約設化元意以爲斷矣彼一乘圓宗雖云涅槃四教偏被末代非無沙羅林中蘇息小果之一類雖判璽珞偏存別門亦有璽珞經中四教並說之解釋準說彼知

校訂重刊

淨土十勝論卷五

二十四

智旧作  
知誤今  
依古改

此矣。又雖說亦令未來世一切凡夫欲生彼國者當  
修三福。宣如來今者為未來世一切眾生為煩惱賊  
之所害者說清淨業七萬釋種及以自餘如來在世  
時即往安樂之凡夫眾生等豈一向定機耶亦何偏  
散根乎。智人省察矣。問曰。上言以逝多證明信驚王  
稱名此義不明。夫人命不停過於山水。今日雖存明  
亦難保矣。若爾者只聞二會正說而不至逝多會而  
取滅度之人稱名往生之信心薄少乎。如何答曰。此  
難非也。若如君所言應言三周聲聞等之中有寶塔  
涌現多寶證明爾前便入滅之一類者信樂一乘之

淨土十勝節論卷五

心淺短歟耶。彼若有存而至寶塔品而聞如所說者  
皆是真實之證明。彌增信心焉。此亦應存而臨祇陀  
會而聞說誠實言當信念佛之金言倍信壽觀焉。設  
雖不至寶塔而取滅不臨祇林而歸寂之人信樂得  
益不可薄淺。君莫謂大中二會之凡夫不至逝多梵  
場而取滅者即往信心薄少淺短焉。問曰。孰知乎者  
山上茅兩會說教亦有諸佛舒舌證明之相焉。但文  
無者略也。如何答曰。夫證印證誠者總說教嚴重之  
儀式矣。別安養教法之秀句矣。若有爾前兩會梵席  
證明念佛之相者集經聖人應專舉出之以激勸三

校訂重刊

淨土十勝節論卷五

二十五

翻舊古  
作翻誤  
今改

時行者之信心矣。然詳大本中本之兩文，曾無舒舌證印之相矣。設雖依大本諸佛讚歎之語，以成證明之義，觀經之中全無其相矣。矧又讚歎與證誠有同有異，所謂讚歎是廣矣，證誠是狹矣。若爾者，難引讚歎之文以備證誠之據者也。敢問之曰：此難不可。然夫諸佛證明是淨教肝心一經骨目也。數箇譯人略去之，而有何詮哉？若言存略者，譬如列乎八陳而忘大軍，入乎瘞家而忘靈藥矣。以之而思者，貝牒無故三藏亦不譯之而已。什公之好略翻也，只除繁文，不去要義焉。以此等意而謂之者，逝多爾前兩經無證

旧脱智  
人等五  
字今依  
古如

明必焉。是即易判定之意而已。智人省察焉。智人省察焉。古云：日中則昃，月盈則食。天地盈虛與時消息，而況於人乎？況於鬼神乎？夫張名號之網，罔於生死之巨海，濟六趣之魚，龜於泥洹之彼岸。南無阿彌陀佛。

不誨現行勝第二十一

夫黃面老氏自說而言，雪山之中藥毒俱生矣。楞伽之峯唯生梅檀焉。二道典籍其不然乎？靜以人間之榮耀者是夢中之快樂焉。有為壽福者乃幻間之歡娛。且爰溫遮那勤修之期心者，雖頓超十地，頓入佛

校訂重刊

淨土十勝論卷五

二十六

居旧作  
君誤今  
依古改

禍旧古  
並作過  
誤今改

地之高果尚為增息敬調之悉地兼教擇地造壇之  
秘法聞蓮經修習彙所望者雖妙法經力即身成佛  
之極位亦為三毒七難之對治假示觀音稱念之妙  
行此義諸經一轍更無異途矣嗚呼教觀行乎小水  
魚何詮居示妄報乎日中之華何為諸設雖有愚迷  
之薩埵而問現悉之方軌大呵而不可說之所以者  
何妄樂障於行道愛著妨修法故也抑於吾淨土教  
者正依經論之說若因明諸文之中未曾教示現悉  
方軌斯事眾典雷同而更無異學者可知矣但至經  
說不遇諸禍淨除業障者只是舉乎修觀之人觀於

旧脫法  
字今依  
古加

大士自得滅罪生善之功力矣全非如來故示乎消  
除殃禍之方軌且又非行者強有攘灾招福之願望  
也文意云不遇諸禍者是滅罪也淨除業障者乃生  
善也文言相連學者可見矣夫行者強而不望有為  
現修之方軌矣教主遮而不教夢幻妄染之行儀且  
若爾者孰人不歎諸經之法王乎哉何輩不稱眾典  
之最頂焉凡依所詮法門之淺深而判能詮經典之  
權實是論主通同之定規矣諸師一轍之教相也抑  
圓密眾經之與淨土三部對判之而論其優劣之時  
厥高卑如何專任卓識智人商量而已請問之曰或

校刊

淨土十勝論卷五

二十七

判亦無橫病死亡灾障或釋延年轉壽長命安樂是高祖全非教對乎淨土行人而望此等現益以執持彌陀佛名且又非行者本期而求現生護持以唱念慈尊靈號只於安心決定行人任運有如此勝益也此義大異他經學者臨文而自知矣夫聖道諸教之中示誨現當之二利譬如兩女俱居矣淨土三經之文唯說即詣之一悉猶似獅子獨遊焉學者等急二女同馳而唯賞翫獅子之大教焉乎夫鴛鴦衿蘭菊華不變之間鮎鮓帳桃李色鮮之程矣南無阿彌陀佛

旧脱雪  
字今依  
古加

法滅利物勝 第二十二

夫霜雪非能黷青葉之時者松栢爭彰貞木之名居濁風卒無竭法水之節者願海獨施不減之德乎靜意自六十四種之梵風息乎鶴林之梢三十二相之金容登乎梅檀之煙以往於其遺法有三時不同謂正像夫是也其三時者諸佛法代謝衰滅次第之相耳今案其三時年曆諸經說相不一準也且悲華經中佛自說三百五十五願云我未來世成正覺已入涅槃後所有正法住世千年同三百五十六願曰像法住世滿五百歲又摩耶經云正法五百年月歲

按訂重刊

淨土十勝論卷五

二十八

分第十云我正法住五百年像法住千年賢劫經曰  
正法五百年像法一千年涅槃經正法念處經同之大乘三聚懺  
悔經曰正法像法各五百歲大悲經云正像各千年  
末法万年上已又善見毗婆沙曰佛法住世一万年初  
五千年出家修道得三達靈智後五千年出家修道  
不得三靈智諸比丘等同於俗流唯有剃髮袈裟而  
已上已案此等諸說如來入涅槃以後一万年之內遺  
法皆滅盡在文炳然誰云不爾諸娑母倭鬼善譽者  
不能掩其醜者此是聖道諸教三時代謝顯然之謂  
乎爰吾彌陀淨土教行不然遠利末法万年之後三

寶滅盡之時是即所以淨教大德婆伽大悲出世之  
本懷也雙卷云無得以我滅度之後復生疑惑當來  
之世經道滅盡我以慈悲哀愍特留此經止住百歲  
其有衆生值斯經者隨意所願皆可得度上已高祖大  
師受之而云万年三寶滅此經住百年爾時聞一念  
皆當得生彼上已慈恩大師曰末法万年餘經悉滅彌  
陀一教利物偏增上已憬興師述讚曰大涅槃經廣顯  
佛性聖教中深逐聖人而先沒此經唯開淨土令人  
求生濟凡中之要故獨留百歲機宜既異沒滅前後  
不可致怪上已本朝祖師云問曰百歲之間可留念佛

校訂重刊

淨土十勝論卷五

二十九

舊脫法字  
可廣曰  
作廣可  
樹誤今  
依集改

猿舊作  
狡曲作  
典並誤  
今依古  
改

其理可然。此念佛行。唯為被彼時機。將為通於正像末法之機也。答曰。可廣通於正像末法。舉後勸。今其義應知。上已予鈔。此等經文解釋。紫毫之與紅淚。爭於前後。而俱降於戲毛。嬙西施。善毀者不能蔽其好者。此是淨教。益末代惡世之謂乎。問曰。古云。巴歌和眾。似量騰於猿心。雪曲應稀了。義匿於龍宮。上已準。彼思之。聖道之得益疾。滅者是陽春之謂乎。淨土之往生。久存者。是巴人之謂焉。答曰。諸教修行。理深解微。而今時難證。故速滅之道理。任所難之謂乎。但至淨教之利物偏增者。夫赫日皓月。照耀蒼天。是貴而長久。

舊脫百  
歲二字  
及實字  
今依古  
如

此恐作  
此恐作

焉。朝菌蟪蛄。不逾季月。迺卑而短速矣。若爾者。莫謂淨教。巴歌故。天下皆和。而流通百世萬代矣。又解曰。準思益云。劫波盡之時。池河先涸。巨海後竭。佛法衰之日。權法先滅。實教後存矣。若以之觀之者。聖道諸經先滅者。是權乘。歟。淨土一教。後存者。乃真實。歟。學者商量矣。凡於法滅百歲之惡時。直解脫二種生死之煩籠。唯是我彌陀實教。不共別德也。請問之曰。十輪悲華。雖同說。萬年之後。三災之時。施作佛事之相。只是種熟而非脫益而已。矧又於十歲之時。中彼等諸經。先滅淨土一教。後存不足。以為比類者哉。外書

校訂重刊

淨土十勝論卷五

三十

有言月臨粉壁彌白燈入紗籠夏紅學者可知矣若  
為澆季之朱愚說聖道之諸行海鳥聞九韶而死矣  
水魚煦陸地而亡者乎可慎可慎焉俱舍論偈曰再  
生汝今過盛位至衰將近琰魔王欲往前路無資糧  
求住中間無所止經曰其佛本願力聞名欲往生皆  
悉到彼國自致不退轉南無阿彌陀佛

三時不代勝第二十三

夫季布一諾重於千兩之金是不變故矣十八公稍  
得於貞木之名亦不改故也爰聖道諸行者三時代  
謝而今時難證理所以然者一由大聖隱雙林春霞

舊脫四  
箇者字  
今依古

已送三千祀故二由所證真理沖寂能證中智微薄  
故也吾淨土教行者全不依三學偏勤修一聲矣以  
故法無三時代謝之失機無定慧闕減之憂其道理  
文證等如先後諸章廣引之不能再載學人自看矣  
問曰夫三時代謝之道理廣通釋尊之遺法若然者  
豈淨教獨不然乎答曰善哉斯問多有益仁者宜  
開伶倫之聰耳借顏子之慙心諦聽善思且舉一二  
奉仁者之迷夫雖圓蓋西轉日月東流南斗隨運北  
極不移冬天盡殺松栢不彫陰氣凍水潮酒不冰火  
日燒物布鼠遊中水能溺人龍鼈游內以此觀之雖

校訂重刊

淨土十勝論卷五

及旧作  
乃誤

特旧作  
特誤今  
依古改

云有同者亦有不和者矣。準彼思此。設雖時機濁濫。胡無即詰之巨益乎矣。問云三字尊號。利乎末法三千之間。及以益乎法滅十載之時者。只如三冬松柏之不彫。是天然之道理。歟。將亦別有其由。致歟。答曰。此有二。因由一曰。由彌陀本誓廣濟三學無分之根機。故二曰。由釋尊慈哀特留六字尊號之妙行。故矣。由具斯二義。唯念佛一法。善能利末代群類而已。如來說言。是日已過。命隨減少。猶如牽羊。詣彼屠所。漸近死無所逃避矣。經曰。臨命終時。合掌叉手。稱南無阿彌陀佛。稱佛名。故即得往生。南無阿彌陀佛。

執著解脫勝 第二十四

夫世間有漏之著相。是分段輪迴之繫業矣。出世無漏之法。愛亦變易生死之因惑焉。遺教曰。世間縛著沒於衆苦。譬如老象溺泥。不能自出。已然。今案淨土修行之義相。世俗之著樂。彌陀慈尊之所不厭惡。夫牢固之執心。牟尼薄伽之攸垂。激勵矣。皂白高卑。誰不歸者乎。問。有何經文。有何解釋。大誠執著而為生死輪轉之大障礙。哉。答。法華說。增上慢。四衆毀謗。不輕大士。而千劫於阿鼻地獄受大苦惱之相。云。時諸四衆計著於法。時四部衆著法之者等。亦同第二云。

校訂重刊

淨土十勝箋節論卷五

三十一

瞑旧作  
冥今依  
經改

深著世樂無有慧心三界無安猶如火宅衆苦充滿  
甚可怖畏常有生老病死憂患如是等火熾然不息  
此亦同第一曰衆生諸根鈍著樂癡所盲如斯之等  
類云何而可度至乃深著於五欲如犛牛受尾以貪愛  
自蔽盲瞶無所見不求大勢佛及與斷苦法此亦曰  
堅著於五欲癡愛故生惱以諸欲因緣墜墮三惡道  
輪迴六趣中備受諸苦毒至乃衆苦所逼迫入邪見稠  
林乃深著虛妄法堅受不可捨我慢自矜高詣曲心  
不實於千萬億劫不聞佛名字亦不聞正法如是人  
難度此亦守護國界經曰或有煩惱能與解脫以為

實下旧  
有相字  
衍今依  
經

因緣觀實體故或有解脫能與煩惱以為因緣生執  
著故此亦大日經曰無始生死愚童凡夫執著我名  
我有分別無量我分此又曰若於蘊等發起離著當  
觀察聚沫浮泡芭蕉陽焰幻等而得解脫此匪當  
密諸經之中簡於著相而為生死墜墮之業因亦南  
北諸宗高祖等同惡乎真俗執著以為輪迴大障且  
法華圓宗大師云為未得者執中生惑故須無諦實  
得者有戲論者無此亦云法雖通深執成凡見喜有  
愛著多所妨障此亦荊谿尊者云始自迦羅終至圖  
著無不並為初教所破此法華玄義曰若伏斷者順

墨旧作  
黑誤今  
依古改

道法愛為因無明為緣生變易土。此亦南山大師歸  
敬儀曰竊聞泥洹法城入有多門萬行雖殊宗歸捨  
著。此亦空宗三論高祖云迴流苦海住著為源超然  
彼岸無得為本無住無著經論大旨有依有得眾病  
根元。此亦法相中宗祖師云若執實有諸識可唯既  
是所執亦應除遣。此亦有處曰貪著無礙法是人去  
佛道遠若有得空者終不破於戒。此夫眾典惡乎執  
著是且千矣諸師簡乎法愛亦万端也恒沙墨翰難  
記竹葦白麻叵載者乎學者欲知之看居曰敢問之  
曰菩薩處胎經曰或有菩薩摩訶薩從初發意乃至

旧脱到  
億等十  
六字固  
旧作周  
誤今依  
經及古  
訂正  
知旧作  
故二箇  
國也旧  
脱之今  
依論正

成佛執心一向無若干想無嗔無怒願樂欲生無量  
壽佛國。此億千萬眾時有一人生阿彌陀佛國何以  
故皆由懈慢執心不牢固。此四祖感師受之而云是  
知雜修之者為執心不牢之人。故生懈慢國也。正與  
處胎經文相當若不雜修專行此業此即執心牢固  
定生極樂國也。妙符隨願往生經旨。此亦宗家大師  
云願生何為切正為樂無窮。此亦曰不貪淨土無生  
解脫障。此亦瑛師修證義曰彼須遣蕩此須取著。上  
問曰何也爾乎答曰外書有言黃鼓密舍響龍笛透  
發音是即時處大別機益甚殊故乎若爾者孰深著

校訂重刊

淨土十勝論卷五

三十四

世樂之輩不歸仰者何法愛貪理之暈弗憑賴乎行者留心行者留心夫古曰看輕肥流水則電幻之歎忽起見支離懸鶉則因果之哀不息觸目勸我誰係風矣經曰但至心令聲不絕具足十念稱南無阿彌陀佛稱佛名故於念念中除八十億劫生死之罪如一念頃即得往生南無阿彌陀佛

行德遮惡勝 第二十五

夫梨勤醍醐即備乎純藥之靈德砒霜班猫必具乎毒藥之二用矣修法得失其不然哉抑佛法之中功少益速無過陀羅尼章句所以一字含千理之靈德

備乎即身證法如之勢力一持秘密咒之功用具乎增息敬調之效驗矣然遮那圓教之二宗尊德維高而多過且寶號醍醐之一行妙用最深而無失且言其德高者不起于座三摩地現前之妙德也言其失多者近乎巫祝而祈他壽福之過失也又言尊號靈用實深者有為得大利無上功德之妙用也言行體無失者無怖求名位虛受信施之過失也抑此等得失者皆約其行體以為言全不關機根得失焉卓識之學者自商量矣且大宋高僧傳之中金剛智三藏系云五部曼拏羅法攝取鬼物必附麗童男處女去

旧脱一  
至於此  
四字今  
依傳及  
古加

懺悔心  
旧作悔  
過二字  
訛今依  
礼贊訂

疾除祿也。絕易近世之人，用是圖身口之利，乃寡微  
驗，率為時所慢，吁！正法醜薄，一至於此。又禪林觀  
師傷歎，聖道之行體，招名位之過失，云：真言止觀之  
行道幽易，迷三論法相之教理，與難悟不勇猛精進  
者，何修之？不聰明利智者，誰學之？朝家簡定，賜其賞  
學徒競望，增其欲，暗三密行，忝登遍照之位，饒毀戒  
質，誤居持律之職，實世間之假名智者之所厭也。又  
吾大師判念佛以外諸行過失，云：貪瞋諸見煩惱  
來，間斷故，無有慚愧懺悔心，故心生輕慢，雖作業行  
常與名利相應，故。又觀師喜悅念佛一行之行德。

而離名利虛受云。今至念佛宗者，所行佛號不妨行  
住坐卧，所期極樂不簡道俗貴賤，衆生罪重一念能  
滅，彌陀願深十念往生，公家不賞自離名位之欲，檀  
那不祈亦無虛受之罪。又高祖大師歎念佛妙行  
行體之德，云：貪瞋諸見煩惱不來，間斷故，有慚愧懺  
悔心，故心生尊敬，與名利不相應，故。云：大師高判  
云：古德詳勸，同舉乎二行得失，以勸誡乎行者，用心  
有識之人，自勘判矣。夫繫望乎安養營勤乎餘行，譬  
似如慕方學，因愛飛好泳而相似，又如欲北轅適楚，  
豈容得尅果，諸抑聖道，學者不知淨土捷徑，若夫壞

校訂重刊

淨土十勝論卷五

三十六

夫之偏知天感不知皇道崩通之唯知韓信不知漢高乎若知而不修之者其咎死同五刑者歟智者自量矣止觀密行人等問之曰豈不向言約其行體而判得失兮全不依行人夫淨土行者怖求名利是行人之失而非行體失矣聖道學者遠離名利迺修者之得而非行體德矣若不拘牽行之失遮那行人即當乃至一生或成正覺若不住持行之得念佛行者亦應內懷虛假外現賢善人過之與行失卓識之學者自批判商量矣昔密行之人服膺而去焉請問之曰法華遮那之行者觀無明塵勞即是菩提無集可

斷陰入皆如無苦可捨故初心始行之者多貪瞋諸見煩惱來間也夫設雖誇三樂四惡之楚毒難免之矣設雖入仙室萬歲之椿壽盡必之焉觀經云極重惡人無他方便唯稱彌陀得生極樂南無阿彌陀佛  
一代遍勸勝第二十六

夫記小久成雖是如來出世之本懷說之只八箇年矣三無差別雖是十方母馱之佛慧宣之僅三七日也爰吾淨教不然夫且見一大藏中諸大乘經匪啻正依三部之中宣揚別意弘願之玄旨初者寂滅道場之華嚴普賢自陳面見彼佛之迴向終者鷲峯山

歲旧作  
年脫三  
百于千  
四字今  
依頌義  
所引訂  
但淨七

頂之法華如來親授即往安樂之記於其中間亦處處說之不休唯是淨土一教而已故宗願禪師云是了義大乘無不指歸淨土前賢後生自他皆願往生凡以欲得度人先須自度故也又天台國師云但專以彌陀為法門主荊谿尊者云諸教所讚多在彌陀故以西方而為一準又真歇清了禪師淨土說云佛佛授手祖祖相傳唯此一事更無餘事釋迦老子住世七十九歲說法三百餘會聞法悟道者不可勝計一大藏教五千三百四十八卷可覆視也然所說之法隨機而授一說而已獨於西方淨土之

言未檢  
待勘

慈旧作  
悲誤今  
依古改

教言至于再于至于諄諄屢說不已得不以淨土為超凡入聖之捷徑乎故無量壽經華嚴法華凡數十部皆慇懃指授西方若悲母諭赤子上請問之曰夫六八弘誓之要行者是則由彌陀慈父別意之秘術矣釋尊悲母濟凡之本懷而然也凡經文炳焉解釋盡底孰言不爾哉諸古曰山下望山上初疑不可攀誰知中有路盤折通巖巔矣此斯難行諸經之中有易往之捷徑之謂乎矣請問之曰於自力眾典之中示他力引接之益必矣文無者畧也宗師引經曰人間息息營眾務不覺年命日夜去如燈風中滅難

期忙忙六道無定趣未得解脫出苦海云何安然不  
驚懼各聞強健有力時自策自勵求常住南無阿彌  
陀佛

依經直說勝第二十七

夫言之貴是天子之綸言矣文之卑乃臣下之往來  
焉聖主天中天之直說鬼神諸天仙之加說其優劣  
如何且蘇悉地經曰三部各有三等真言所謂聖者  
說諸天說諸地居天說為三部聖者說者謂佛菩  
薩聲聞緣覺說是為聖者真言諸天說者從淨居天  
乃至三十三天諸天所說是為諸天真言也地居天

舊脫諸  
天二字  
說下  
有者字  
行今依  
經訂

舊脫諸  
種何

說者從夜叉羅刹阿修羅龍迦樓羅乾闥婆緊那羅  
摩睺羅部多卑舍遮鳩槃荼等所說是為地居天真  
言也大日經疏第七曰大判真言畧有五種謂如來  
說或菩薩金剛說或二乘說或諸天說或地居天說  
謂龍鳥修羅之類又前三種通名聖者真言第四名  
諸天衆真言第五名地居者真言亦可通名諸神真  
言也如聖者真言亦說阿字或囉字等彼諸世天乃  
至地居鬼神等亦復說之彼相有何殊異阿闍梨言  
若佛菩薩所說則於一字之中具無量義且略言之  
阿字自有三義謂不生義空義有義至若諸菩薩真

舊脫空  
義二字  
今依疏

校訂重刊

淨土十勝論卷五

三十九

古	今	舊
加	依	脫
	論	人

言有阿字者當知各於自所通達法界門中具一切義非於普門法界中具一切義若二乘真言有阿字者當知只約盡無生智寂滅涅槃明不生義若梵天所說真言有阿字者是約出離五欲覺觀不生明義若帝釋護世真言有阿字者是約十不善道及災橫不生明義餘皆以類可知也上亦智度論云佛說有五種人說一者佛自口說二者佛弟子說三者仙人說四者諸天說五者化人說上夫真言秘密為諸教之最頂也猶天衆龍鳥等宣揚之矣華嚴法華為衆聖之佛慧也亦菩薩聲聞等說領之焉加之二十士二

王十羅刹等為護妙經讀誦之者說諸佛密語之神咒又維摩所說般若轉教等皆是聖弟子之說也於吾正依三部妙典者不然唯純一佛語而全不雜四說故玄文云凡諸經起說不過五種一者佛說二者聖弟子說三者天仙說四者鬼神說五者變化說今此觀經是佛自說上是則輪王帳中之娛樂非是國內萬民之所能知彌陀別願之玄旨非是因位淺智之所能宣故也亦疏第四曰又一切行者但能依此經深信行者必不誤衆生也何以故佛是滿足大悲人故實語故除佛已還智行未滿在其學地由有正

校訂重刊

淨土十勝箋節論

四十

旧脱未  
能等十  
七字印  
下有可  
字衍今  
依疏及  
古訂正

習二障未除果願未圓此等凡聖縱使測量諸佛教  
意未能決了雖有平章要須請佛證為定也若稱佛  
意即印可言如是如是若不可佛意者即言汝等所  
說是義不如是不印者即同無記無利無益之語佛  
印可者即隨順佛之正教若佛所有言說即是正教  
正義正行正解正業正智若多若少眾不問菩薩人  
天等定其是非也若佛所說即是了教菩薩等說盡  
名不了教也應知是故今時仰勸一切有緣往生人  
等唯可深信佛語專注奉行不可信用菩薩等不相  
應教以為疑礙抱惑自迷廢失往生之大益也上夫

伊日作  
伴誤今  
依古改

意今斯觀經是功用高一期化儀勝餘典何故高勝  
耶是則所以覺王教言而非法臣淺談也智人可知  
矣匪啻上茅城中之密化獨如來直說又鷲峯會上  
逝多林中兩會阿彌陀經同是薄伽至尊隨自之直  
說也亦匪只正依三部妙典釋迦大我之自說又於  
次依傍依諸大乘經之中明西方往生之教行之眾  
文皆是佛口所說之金言全非弟子加說之法門於  
戲貴哉夫民下百千言不如國王一言方億伊蘭樹  
豈等一葉梅檀哉智人可知矣若爾者一切學者等  
當尊重珍敬淨土墳籍而如闇夜遇明燈貧家得奇

校訂重刊

淨土十勝論卷五

四十一

崑崙  
舊作  
崑  
誤今  
依古  
改

物抑佛語加四說如摩尼鷲石一棚似牛馱驢乳同  
器也經典唯佛說似檀林之連楞峯如明玉之耀崑  
岳亦言細人麤人二俱犯過從過邊說俱名麤人之  
詳勘之意思而可知矣抑委披三部妙典之首尾明  
文字偈言之頭數若以偈而言之有七百六十六偈  
若以字而言之者有二萬四千五百五言然其中唯  
說六字尊號之靈德而全不揚餘行他門之功能智  
人可見矣請問之曰法身大士和光諸天等說秘密  
神咒猶是三學式內之通談故矣三乘淺智四惡凡  
類等不宣本願玄極是迺三學格外之別益故也雖

二教同聽有說不說之異式內格外之謂乎曰敢問  
曰三部四軸是正依也般舟鼓音是次依也法華尊  
勝是傍依也夫頭衰霜屢降而既隣八獄之國面老  
波頰重而漸招阿防之責於離陽九百六之災禍誇  
三輩二轉之福樂全匪他只是口業散稱之大功力  
而已南無阿彌陀佛

超世本願勝第二十八

夫五百大願之中無引接有識索多乎無勝報土之  
別願且十二上願之間無來迎愚童薩埵乎瑠璃報  
國之誓願且唯以菩提薩埵而為當機以地住高位

酬舊作  
酬誤

侵舊作  
害誤  
舊脫有  
字故字  
今依古  
皆訂

而為弟子矣。吾淨土不然。發凡夫引接之宏願。以導  
愚童。索多立聲聞無數之大誓。以化有識。薩埵是則  
卓犖。他方報土不共之報土矣。超絕餘佛報身。酬因  
之報身也。若爾者。孰異生不繫。憑於別願哉。何二乘  
不求生於安養。諸夫仰賴本願之行者。縱雖為煩惱  
劫賊之所侵。有尊號摩尼之大藏。故更無孤獨貧乏  
之患。自力行人。反是二道修行。不同智人自知矣。古  
云。夫月滿則虧。物盛則衰。天地之常也。知進不知退  
久乘富貴。禍積為崇。夫洪鐘之響。弗推而不鏘。玉琴  
之調。不彈不聲矣。然今吾等行者。能扣洪鐘。善鼓玉

琴。豈不鳴哉。焉弗聲乎。南無阿彌陀佛。

稱名音聲勝 第二十九

夫禽類之音。殊勝者是。頻伽鶉隨之音也。稱佛之聲  
奇妙者。乃南無彌陀之聲矣。然則格外稱佛之音聲。  
卓犖。式內誦經之音。別願口業之妙音。超絕明妃持  
誦之聲。雙卷曰。其有得聞彼佛名號。歡喜踊躍。乃至  
一念當知此人。為得大利。則是具足無上功德。觀經  
曰。令聲不絕。具足十念。稱南無阿彌陀佛。稱佛名。故  
於念念中。除八十億劫生死之罪。乃如一念頃。即得  
往生極樂世界。阿彌陀經曰。專持名號。以稱名故。

校訂重刊

淨土十勝論卷五

四十三

旧脱依 止等六 字 依旧作 縁 旧脱方 便等四 字 被旧作 彼今依 論註皆 訂

諸罪消滅卽是多善根福德因縁乃至心不顛倒卽得往生上鼻祖鸞公上士曰此十念者依止無上信心依阿彌陀如來方便莊嚴真實清淨無量功德名號生譬如有人被毒箭所中截筋破骨聞滅除藥鼓卽箭出毒除豈可得言彼箭深毒勵聞鼓音聲不能拔箭去毒耶上觀師曰凡夫行者煩惱胎中一稱南無阿彌陀佛此一音聲勝餘音聲如頻伽卵聲勝衆鳥上密行之人難之曰宜真言不思議觀誦無明除故猶是三學式內也說令聲不絕具足十念故全是無分格外矣學者商量矣夫持名行人如肥壯多力之

衆旧作 者今依 礼贊改

人能出乎深泥貯積資糧之彙卽度乎嶮難聖道之修者反是智人可知焉大師引經曰人生不精進喻若樹無根採華置日中能得幾時鮮人命亦如是無常須臾間勸諸行道衆勤修乃至真夫欲求不死之藥乎蓬萊遥度百万里波濤欲尋延齡之方乎崑崙遠隔千万里碧嶺矣爰有不死之靈藥無量壽佳名是也亦有延齒之秘方王舍城之大教是也南無阿彌陀佛

淨土十勝箋節論卷上

坤中終

校訂重刊

淨土十勝論卷上

四十四



